

*MASTER
NEGATIVE
NO. 91-80229-25*

MICROFILMED 1991

COLUMBIA UNIVERSITY LIBRARIES/NEW YORK

as part of the
“Foundations of Western Civilization Preservation Project”

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States -- Title 17, United States Code -- concerns the making of photocopies or other reproductions of copyrighted material...

Columbia University Library reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR:

BERNHARDY, G.

TITLE:

QUAESTIONUM DE
HARPOCRATIONIS...

PLACE:

HALAE

DATE:

[1856]

Master Negative #

91-80229-25

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

BKS/PROD Books FUL/BIB NYCG91-B68277 Acquisitions NYCG-TLK
Record 1 of 0 - Record added today
+
ID:NYCG91-B68277 RTYP:a ST:p FRN: MS: EL: AD:07-23-91
CC:9668 BLI:am DCF:? CSC:? MOD: SNR: ATC: UD:07-23-91
CP:nyu L:lat INT:? GPC:? BIO:? FIC:? CON:???
PC:r PD:1991/1856 REP:? CPI:? FSI:? ILC:???? MEI:? II:?
MMD: OR: POL:- DM: RR: COL: EML: GEN: BSE:
040 NNC†cNNC.
100 10 Bernhardt, G.
245 10 Quaestionum de Harpocratonis aetate auctarium†h[microform].
260 0 Halae,†bFormis Hendeliis,†c[1856].
300 17 p.
LDG ORIG
QD 07-23-81

Restrictions on Use:

TECHNICAL MICROFORM DATA

FILM SIZE: 35 mm

REDUCTION RATIO: 14x

IMAGE PLACEMENT: IA IIA IB IIB

DATE FILMED: 9.12.91 INITIALS V.W.D.



FILMED BY: RESEARCH PUBLICATIONS, INC WOODBRIDGE, CT



AIM

Association for Information and Image Management



1100 Wayne Avenue, Suite 1100
Silver Spring, Maryland 20910
301/587-8202




Centimeter



Inches



MANUFACTURED TO AIM STANDARDS
BY APPLIED IMAGE, INC.



88H23 DB

Columbia University
in the City of New York

LIBRARY



Harpocratio. Ch. Bernh.
428
887/2
I 26

INDEX SCHOLARVM

IN

VNIVERSITATE LITTERARIA FRIDERICIANA

HALENSI CVM VITEBERGENSI CONSOCIATA

PER AESTATEM

ANNI MDCCCLVI. ...

A DIE VII. APRILIS VSQVE AD DIEM XIV. AVGVSTI

PVBlice PRIVATIMQVE

HABENDARVM.

Inest Quaestionum de Harpocratonis aetate auctarium. Ser. G. Bernhardy.

HALE,

FORMIS HENDELIIS.

VNIVERSITATIS FRIDERICIANAE

RECTOR

CAROLVS GEORGIVS BRVNS

CVM SENATV

S. D.

CIVIBUS SUIS.

Suasit communio studiorum Graecaeque humanitatis necessitudo, quae cum iuventutem alat, tum aetatem adultam inter voluntates diversissimas solatur ac suaviter oblectat, ut quaestionem ab collega defuncto nuper inchoatam renovaremus et auctario pro finibus huius prooemii suppleremus. Quaestionem dicimus de constituenda *Harpocrationis* lexicographi aetate, levem illam et exilem, si seorsum tractetur vel cum aliorum disputationibus de viris principibus artis grammaticae comparetur, at satis fructuosam et investigatione dignam, si cum interiore historia fatisque Graecae eruditionis eam iunctam esse recordamur. Sed quorsum istae coniecturae de Harpocrationis temporibus spectent, ut melius discatur, consilium et ordinem studiorum paulisper remitti iuvat, quo *Meierus* olim ad argumentum minus tritum fuerit deductus. Magnam autem partem prolusionum academicarum inde ab a. 1836. huic finitimaeque materiae consecravimus. Causam igitur et opportunitatem attulit illi mediocri oratio, quam Andocides fertur contra Alcibiadem edidisse, dudum a nonnullis criticis addubitatum vel ad alium quempiam auctorem translatam. Certissimis enim rationibus, praesertim historici generis et ex antiquitatum doctrina petitis, postquam labefactarat, sic ut alienam ab Andocidis persona temporibusque esse constaret, coepit etiam fidem grammaticorum circumspicere, numqua suspicionis pars ex illorum silentio vocibusve manifestis posset

88H23

DB

deprehendi. Hinc natae quaestiones diligentissimae de Lexicis Rhetoricis et de canone decem oratorum, quem sub Augusti principatum institui coeptum inde ab Hadriano docet invaluisse; sed intentissimo labore reliquias Lexicorum Rhetoricorum, de quorum originibus et compositione pauci quaesiverant, nemo scienter et plenius copius expedierat, ita recensuit et inter se comparando excussit, ut aliis aditum pararet ad obscuram disciplinam et futuri successores firma habituri sint fundamenta quibus innituntur. Tum cursus totius disceptationis tulit ut idem etiam in Harpocratonem incideret, qui duabus in glossis orationem istam sub Andocidis nomine citra notas fraudis ut solet criticas apposuit; quanquam addubitari licebat num duplex testimonium quemadmodum fit per interpolationem accessisset. Iam digessit Meierus indicia temporum in illius lexico disseminata, calculisque subductis animadvertit ea vix Didymi memoriam sive Tiberii principatum excedere, nullum autem de tot nobilibus grammaticis qui secundo post Christum saeculo floruerant appellari; quo minus temere iudicaturum, qui sicubi nomina hominum Tiberio supparium recurrant, ab industria docti lectoris ea repetere velit. Porro fundus lexicis non e Didymi copius, cui plurimum debent interpretes vetusti scriptorum classicorum et antiquitatum Graecarum, exstructus ei videbatur, sed ab aequali quodam grammatico profectus vel quicumque paulo post Didymum vixisset. Tandem nupera commentatione locos exhibuit universos, in quibus lexicographus significationes verborum ac formulas dicendique consuetudinem suis temporibus pervulgatam ab oratorum Atticorum aetate distinguit et priscis institutis opponit; nec quicquam inesse sibi persuasit, quod primordiis lexicis repugnet. Dicit locutiones huiusmodi, τὸ καὶ ἡμῶν vel τὸ ἐν τῇ βίῳ λεγόμενον, ὡς ἐν τῇ συνηθείᾳ λέγομεν, ὃ νῦν καλοῦσιν, alia; quamquam explicationes additae produnt vocabula sordida vel noviciae fabricae, θεώρετρα, σωματέμπορος, σφραγιδοφυλάκεια.

Haec praefati postquam statum quaestionis designavimus, filum ubi cessavit commode resumemus cum observationum auctario. Sed manum iniiciunt osiores antiquitatis aliquanmulti, qui stomachabundi nolint res frivolas usque molesta cum diligentia retractari, sed magnas et luculentas disputationes exposcant eleganti doctrina et cum ingenii laude deducendas, unde gustum interioris sapientiae fructusque tanti sudoris reportent minus operose. Hem, vestram fidem, inquit, et intemperantiam, philologi! quippe qui novas et infinitas dubitationes de magistelli nescio cuius aetate non omittatis excitare, gravissimas autem quaestiones ac dudum multis expetitas post tot saecula recusetis. At enim *fabri fabrilia tractant*, ac propemodum bonis hominibus licet prudentem Platonis vocem occinere: *Εὐδαίμων εἰ ὃ Καλλίκλεις, ὅτι τὰ μεγάλα μενύσσει πρὶν τὰ μικρά· ἐγὼ δ' οὐκ ἔμην θεμιτὸν εἶναι*. Rem igitur nostram agamus; ac nequis miretur de temporibus Harpocratonis denuo quaeri, quae vir eruditus verisimillimis rationibus ad primos Caesares videatur rettulisse, hu-

ius ab iudicio plane discrepat novissimus editor, vir admodum cautus et in hoc litterarum campo si quis alius exercitatus. Is cum Harpocratonem in privatis Graecorum antiquitatibus multum ab Athenaeo profecisse sibi persuaderet, eodem illum tempore, hoc est, imperante Commodo sive sub initia saeculi tertii scripsisse conclusit Praef. p. XXI. Sed tali ratiocinationi primum refragatur fides locorum ex Athenaei hortulis derivatorum perexigua, quos ab lectorum sedulitate esse profectos infra demonstrabitur; deinde quis animum induxerit propter appellationes quasdam meretricum et poculorum unum Athenaeum eumque nomine celato usurpari, de tot autem lexicis rhetoricis et conditoribus apparatus sophistici vel enarratoribus antiquitatum Atticarum, quorum saeculum secundum fuit feracissimum, inter tantas tanque illustres quaestiones nullum usurpari? horum enim ne levissimam quidem memoriam videmus apud Harpocratonem extare. Veruntamen redeat unde deflexit oratio nostra. Harpocratonis opusculum, resectis testibus suspectis, nullum prodit auctorem, qui Tiberio principe sit recentior; sed parum tritas habuerit litterulas Graecae philologiae, qui hac usus observatione contendat Harpocratonem novissimo suorum testium non multo iuniorem fuisse. Nam ut hoc utamur, in scrinia sui scilicet aequalis Didymi, cui plus ille debet quam prima facies ostentat, protinus eum involasse num credibile videtur, sic ut fontis locupletissimi copias aut in brevitatem cogeret aut expromeret cum flosculis alienis mixtas? Atqui confectores lexicorum et commentariorum id propositum tenuerunt, ut fundum et instrumentum eruditionis probae, quam ab Alexandrinis magistris repetere solebant, novis amplificarent digestis et collecticiis variorum saeculorum labores priscis thesauris astruerentur. Dixeris aedibus veteris aevi solidis et diligenter exstructis pergulas impositas, haud iniucundas et satis eleganter communem in usum ornatas, sed ut artificio temerario novella cum antiquis consociantur. Exemplis quidem si mos in promptu positus illustrari debet, non Stephanum Byzantium aut testem prae ceteris insignem Suidam advocabimus, sed in Scholiis Apollonii Rhodii subsistere libet, quorum de lineamentis summatim est explicatum in nuperis Commentariis litt. Graec. T. II. p. 312. Ecce praeclaros doctrinae fabularis auctores, e litteratissimis Alexandrinorum, quorum nullus item ut apud Harpocratonem infra Tiberii dominatum extiterat, tanquam opus tessellatum contextos; huic autem purpurae recentior manus pannum ex interpretum et technicorum praeceptis ea mente circumdedit, ut corpus quam plenissimum lectoribus poetae suppeditaret. Ergo magnum temporis intervallum eos, quorum in lexica vel commentarios amplissimi apparatus sunt diffusi, ab ultimis ipsorum testibus dirimere solet, nec solis horum nominibus computationes saeculorum debent definiri. Sic potius existimandum, quo melioribus et antiquioribus praesidiis isti nitantur, eo praestantiores censeris, pretium tamen ac dignitatem lexicographorum quam aetatem citius e fontium vetustate diiudicari; nec sufficit ut

aut stamina tantum et elementa farraginis teneamus, aut scriptor lectissimis opibus usus ad ulteriora saecula retrahi possit, nisi constet integrum et ab manibus fraudulentis immunem mansisse. Huc enim accedit iniqua condicio lexicorum Graecorum et perturbatio: quae dum universo populo patent ac doctis indoctisque digitis cotidie teruntur, non modo diversissimas interpolationes et ludibria cuiusvis coloris experiuntur, sed pristinam etiam orationem determinis fraudibus videmus deformari variorumque accessionibus corrumpi. Similem vero labem etiam in Harpocratonem esse grassatam evincemus; eoque spectat auctarium observationum, quod epilogi vicem supra profitebamur nos exhibituros. Id ut efficeretur per operam editoris novissimi contigit, quam collega defunctus non inspexerat aut otio futuro reservavit.

Emendatores enim critico muneri pares duos nuper Harpocratio nactus est, postquam per tria saecula neglectus et interpolationibus omne genus obsitus iacuerat. Primus igitur *Bekkerus* reiectis Blancardi veterumque exemplarium sordibus scripturas codicum, quorum plurimos et praestantissimos quosque cognoverat, restituit, codices autem ubi deficerent, id quod iusto saepius accedit, usu rei criticae propriisque inventis adiutus orationem Graecam sic instauravit, ut lexicographus multis in partibus novam paene faciem ostendit. Itaque tutam viam et munitam tradidit viro de Graecis monumentis meritisimo, *Guil. Dindorfio*, qui paucis abhinc annis (Oxon. 1853.) recensionem Harpocratonis copiosissimam duobus tomis absolvit. Non ignorant autem litterarum Graecarum cultores, qui subsidiis scholiorum cognatisque grammaticis diligenter utantur, non modo largissimum instrumentum criticae factitandae Dindorfio deberi, quo purior et emendatior extitit oratio commentariorum, eorum praesertim qui poetarum et oratorum ad intelligentiam valent, sed ad fontes etiam sincerios, codicum ordines et aetates rinando, constanter eum aspirare, vetera noviciis, adulterina primitivis ut distinguantur et gradibus certis immutationes manus vetustissimae possint comprehendere. Similiter idem nec dissimili successu in Harpocratonem versatus apparatus criticum auxit, supplevit et ad usum accommodare dispensavit, quo in negotio prudenter necessitatibus nostris consuluit, Epitomen repraesentans integram et a scriptura tralaticia se iunctam; deinde singulis in paginis Graecam orationem refingit et ad auctoritates fidissimas exigit tot mendis sublati, non ut spicilegium sed messem plenam parari credas; neque dubitare sinunt eius *Addenda* quin post aliorum symbolas, nominatim *Supplii*, longe plura damna potuerit indagare aut resarcire, si curis secundis scriptorem suum peragrasset. Interim copiis tantis provisum est ut qualibet suspicione mota quid a libris expectari petive queat intelligamus. Hactenus satis prospere cessit Harpocratonem, qui hodie scripturam aut illibatam aut fide librorum stabilitam recuperavit. Quid igitur? num lexicographi quicumque fuit laborem salvum et integrum, si quidem locos cor-

ruptelis affectos glossasque mutilatas excipimus, postlininio redisse putamus, ut manus prima plerumque possit agnosci? Critici sane non dubitanter annuunt: nos renuimus et negitamus Harpocratonem superesse germanum et saeculo Tiberiano dignum. At enim miro fortunae beneficio contigisse narrant, ut duplex aetatem tulerit editio, altera si minus numeris suis consummata, saltem ita locuples ut archetypi colorem statumque propemodum reddat, altera quam grammaticus aliquis ante mille amplius annos in compendium redegerit, Epitomes nomine pervulgata. Porro huius codices, etsi pauci supersint, multo quam operis integri tradunt esse meliores, amplioris vero lexici nullum, qui saeculi quarti decimi tempora superet; accedit quod Epitomen illam et antiquiorem et emendatius scriptam Photius et Suidas usurparunt ac paene totam in lexica sua receperunt, pleniorum autem editionem Byzantini homines silentio transmittunt. Verum longe gravius id videtur, quod editores toties eoguntur ad lectiones Epitomae confugere; nec quisquam ignorat novissimam lexici faciem callide temperatam et ex utriusque editionis copiis esse conflantam. Mira profecto traduntur, praesertim cum nullum adsit Graecorum lexicon, cuius simul et epitomen et uberrimam compositionem teramus. Hanc igitur negotii critici condicionem operae fuerit recognoscere, priusquam de Harpocratonis opere decidatur.

Harpocratonem igitur tralaticium codices servarunt complures, sed recentium saeculorum iidemque negligentissime scripti vel potius mendis obruti foedissimis. Enimvero nusquam apparet manus emendatoris mediocriter periti: adeo circumfluunt illi vitiis et erroribus, quorum et color et multitudo tempus arguit tam a Graeci sermonis cognitione quam a studiis antiquitatis Atticae remotum. Notum est inter alia mirum piaculum *χίλια σοφά ὄντα* sub v. *Χίλιοθόντα*, ubi quod oportuit *χίλιος θελόντα* Epitome. Saepius igitur omnes errant *γενέτης* peccantes, ubi debuerant *δημότης* (vide Dind. in v. *Ἀγνοῖς*), aut compendia vocabulorum parum assequuntur, ut in *στρατιώτης* (v. *Ἀθροδωρος*), cum exarandum esset *στρατηγός*, ac ne nimii sinus in mendis cumulandis, terminationes nominum propriorum, praesertim in afferendis auctoribus et libris (velut *Ἀθηνᾶν*, *Ἀρμάρεω*, *Τιμέρεω* pro veteri scriptura *Ἀθροῖοι*, *Λεινέρεω*, *Τιμοκράτους*) toties depravarunt, ut numerus glossarum haud exiguus invitis libris ex sola coniectura sit sanatus et posthac supersit sanandus. Iidem porro dictionem lexicographi, propriis et bonis vocibus vel structuris immutatis, deteriore reddiderunt: ut qui tritas habeat aures notandis grammaticorum idiomatis, vix Harpocratonem sive melioris ordinis magistrum agnoscat. Sic *ἔχον* particulam saeculis labentibus frequentatam bis inculcant sub vv. *ἄτιμος* et *ἔκδετα*, ubi puriorem scripturam monstrat Epitome *τοντέστιν* (deleto etiam *ἄν*, ne quis cum Dindorfio tentet *ἐποκέχται*) et *ἀντι τοῦ*: nec dubium quin utraque sit recipienda, non quam criticus ille p.

XXVIII. commendat ἦτοι. Minoris ducimus quod irrepsit in v. Ἀποφορὰν: ἀντι τοῦ ἀπενεγκεῖν καὶ διάστημα ποιῆσαι μεταξὺ, nam adest rectum ἐπὶ τοῦ (item ut in superiore gl. Ἀβίος) apud Aldum et in MS. A. Liber autem A. sive Angelicanus princeps istorum est codicum et signifer, partim cum Aldina schedisque Vaticanis (de quibus tradit Dind. XXIII. sqq.) consentiens, dignusque cui paulo religiosius critici debuerint obtemperare. Neque libris vulgaribus vitio vertendum videtur, quod fertur sub v. Τὰ τῶν φωρῶν κρείττω: παροιμία ἐστὶ λεγόμενη κατὰ τῶν πλείων φερομένων, cum enim perperam dicta κατὰ τῶν meliores ignorent, recte sensit nuperus editor, quod consuetudo poscit, ἐπὶ τῶν esse refingendum. *) Alia deterioris aetatis vestigia iam deterasa sunt, praesertim Epitomes fide: velut in v. Αἰζωνῆσιν hodie legitur ἐκωμωδοῦντο δὲ ὡς βλάσφημοι, ubi MSS. more plebeio ἐ. δὲ εἰς βλάσφημους. Sed δοκεῖ ut sit traditum, in v. Ἰσχάνδρος positum, δοκεῖ δ'... καταπεσεῖν perferamus. Recurrunt tamen quae manum potius brevioris quam veteris magistri significant: ut in v. Ἐπακτὸς ὄρκος praegressis ἐστι δὲ ὄρκου τρία εἶδη et quae sequuntur, succedunt infinitivi, εἶναι δὲ τοῦτον οὐχ ἀπλοῦν· δεῖν γὰρ κτλ. Item durissime dictum in conclusione gl. Μήρις: ἰδεῖν οὖν εἰ γραφικά ἐστιν ἀμαρτήματα. Contra hunc in censum cave referas glossas rem Atheniensium iudiciariam illustrantes, quas infra docebimus tanquam singulare corpus in syllogem Harpocrateam immisissae fuisse; harum autem oratio multis in partibus horridior est tamque scholasticum ostentat colorem, ut duras iis vel soloecas structuras par sit condonari. Quamobrem inter alia ἐπὶ dativo iunctum in tali formula, ἰδίως μὲν ἐπὶ ταῖς τῶν κλήρων διαδικασίαις ἀντιγραφὴ καλεῖται (v. Ἀντιγραφὴ), — λέγεται, ἀλλὰ καὶ ἐπ' ἄλλοις πολλοῖς ἀδικήμασιν (v. Γραφή), utcumque toleramus, non item brachylogiam ingratam

*) Non desunt alii loci male compositi, quos lacunae codicum arguant ab imperitis librariis parum Graece suppletos fuisse. Subsistamus in v. Ἀγασικλῆς, quae hodie cum editorum consensu sic exhibetur: περὶ Ἀγασικλέους Ὑπερίδης λέγει. γέγραπται καὶ Δεινάρχῳ λόγος κατ' αὐτοῦ, ἐν ᾧ δεδήλωται ὅτι Ἀλιμουσίους συνδέκασε καὶ διὰ τοῦτο ξένος ὢν τῇ πολιτείᾳ ἐνεγράφη. In his primum expectamus aliquam Hyperidis sententiam, quae non subiicitur; deinde διὰ τοῦτο (vide vel v. Ἀγαφίον) minime convenit in hunc sensum; postremo ξένος ὢν prava collocatione (pertinent enim ad prius membrum) sedem alienam obtinuerunt. Libri tamen συνδικάσαι (συνδέκασε tradit Dind.) omisso καὶ itemque τοῦτο nescit Epitome. Iam commode accidit ut in Hyperidis oratione pro Euxenippo nuper a Babingtono vulgata fiat Agasicles mentio: Ἀγασικλῆς δ' ὁ ἐκ Πειραιῶς ὅτι εἰς Ἀλιμουσίους ἐνεγράφη. Ergo videtur in simillima sententia repetitum ἐνεγράφη valuisse ut partes duorum testimoniorum coalescerent. Priora sic fere potuerant exprimi: περὶ Ἀγασικλέους Ὑπερίδης λέγει ὅτι ξένος ὢν τῇ πολιτείᾳ ἐνεγράφη. Superest ut ad Dinarchum haecce revocentur: γέγραπται δὲ καὶ Δεινάρχῳ λόγος κατ' αὐτοῦ, ἐν ᾧ δεδήλωται ὅτι Ἀλιμουσίους συνδέκασε δι' αὐτῶν.. ἐνεγράφη. Ceterum lemmati glossae ut solet Epitome subiicit ὄνομα κύριον (vide vel vv. Ἀβροκόμας, Ἀγνίας, Ἀθηνόδωρος), quae raro delevit, ut in v. Ἀλιρόθιος. Editores iusto saepius id inculcant, ut in operis initio post v. Ἀβάρης, vel tolerare solent in vulgaris. Nec dubium quin additamentum scholasticum ubique debeat expungi.

hanc, τῷ δὲ ἐνεργητικῷ τῷ ἐπέσκηψεν ἀντι τοῦ ἐνετείλατο Ἰσαῖος (v. Ἐπεσκήψατο), cum rectam scripturam praebeat Epitome τὸ δὲ ἐνεργητικὸν τὸ ἐπέσκηψεν Ἰσαῖος.

Sed missis codicum sordibus ad Epitomen praevertamur. Constat autem Epitomen dici decurtatum Harpocratonem, quem forma satis dissimili conservarunt duo codices, Palatinus et Parisinus. Palatinam quidem Epitomen suos in usus verterunt Photius ac Suidas eiusque tenorem non sine scripturae discrepantia reddiderunt. Itaque florentibus Byzantinorum litteris ea prodierat, quippe quam homines eruditi saeculis nono decimoque unam lectitarint; neque huius existimationi debet obesse, quod ignorat glossas nonnullas lexicī plenioris (id enim in partibus haud suspectis ad codicum pertinet diversitates, non ad Epitomes habitum, siquidem gl. Ἀποικία neglexit Palatinus, retinet Parisinus), aut in beneficii loco deputari, quod vel glossas integras vel supplementa glossarum plurima fertur servare, quae reliquis e codicibus evanuerint. Sane Dindorfius indidem et revocavit glossas quattuor, Τί ἐστι τὸ ἐν τοῖς Δημοσθένους Φιλιππικοῖς, Τριτοπάτορες, Φιλέσιος, Φιλοτησία, et in ordinem invexit additamenta membrorum vel sententiarum, quorum indicem p. XIX. posuit; sed utrumque arbitramur incaute factum. Unam deprehendimus glossam Ἔθνος, quam sententia postulante dudum ex Epitome redintegratam tenemus. Quamquam in hoc studio supplendi lexicī parum ille sibi constitit: cur enim καὶ Ἀσίας in v. Ἀξιοῖ (cf. vv. Ἀποπεφασμένον et Ἀρετή) assumpsit, sprexit autem in v. Βάσανος, quae Epitome cum Suida subiicit Antiphonti, καὶ Πίνδαρος καὶ Σοφοκλῆς, vel καὶ Ἰσαῖος in v. Ἀφείς? At nisi quis auctaria glossarum manifestis rationibus ostenderit ex antiquioribus et intactis exemplaribus fluxisse, tutius fuit ac probabilius ea lexicis rhetoricis tribui, quibus auctor Epitomes ac passim lectores uterentur ad copias suas locupletandas. Certissima vero huius brevii laus et utilitas cernitur in expoliendo Harpocratonis sermone, quem longe puriorem et vetustatis colore tinctum atque collocatione verborum meliore commendatum propagavit. Et recentes quidem editores Epitomen frequenter adhibent, quantosque fructus inde perceperint ad emendationem singulae paginae declarant; superat tamen numerus glossarum, quae pristinam formam vel saniolem inde recuperare possint. Nos paucis defungemur speciminibus. Gl. Ἀγησίλαος; patienter ferunt sic conscriptam: Ἀγ οὔτος ἦν ὡς ὁ Ξενοφῶν δηλοῖ βασιλεὺς Λακεδαιμονίων ἐπιφανὴς καὶ γενναῖος, καὶ πολλὰ τῆς Ἀσίας κατεστρέψατο τοῖς Κῆρῳ συναναβᾶσι χρησάμενος στρατιώταις Verba magistris infimi subsellii quam Harpocrateione digniora: quem qui semel attigerit, sciat et vululam ὡς ὁ Ξενοφῶν δηλοῖ huius mori repugnare et sicuius auctoritas in memoria regis famosissimi desideraretur, fidem oratoris, non Xenophontis requiri. Quanto purior Epitomes aliorumque lexicorum ob-

servatio: Ἄγ. ἦν δὲ Λακεδαιμονίων ἐπιφανὴς καὶ γενναῖος βασιλεὺς καὶ ἔδεται παρὰ πολλοῖς τῶν ἑσπερίων. Nihil igitur deest praeter nomen oratoris post glossae praescriptionem inserendum: eum autem Isocratem (Paneg. 144.) esse vel gl. Κύριον persuadet. Paulo post v. Ἀγοράς. Ὑπερείδης ἐν τῷ κατὰ Πολυεύκτου περὶ τοῦ διαγράμματος· οὗτοι πολλάκις ἀγορὰς ποιοῦνται. μήποτε ἀντὶ τοῦ συνόδους νῦν. σημαίνει δὲ καὶ ἕτερα τοῦνομα. Exilis ista narratio, quam qui commentus est, eum mirere suspicari tantum de significatu nominis. At qui μήποτε particula coniecturalis, quam vulgus scholiastarum admaavit, eum ab aliis antiquis grammaticis est aliena, tum ab Harpocrate. *) Iam Epitome tam eleganter, nihil ut aptius inveniri possit: Ὑπερείδης ἀντὶ τοῦ συνόδους. λέγει γὰρ ἐν τῷ κατὰ Πολυεύκτου [supple. περὶ τοῦ διαγράμματος]· οὗτοι πολλάκις ἀγορὰς ποιοῦνται. δηλοῖ δὲ καὶ ἄλλα τοῦνομα. Succedat gl. Ἀδράστειαν: οἱ μὲν τὴν αὐτὴν λέγουσι τῇ Νεμέσει, λαβεῖν τε τοῦνομα ἀπὸ Ἀδράστου τοῦ Ταλαῦ — ἰδρυσαμένον ἱερὸν Νεμέσεως, ὃ προσαγορευθῆναι μετὰ ταῦτα Ἀδραστείας, ὡς Ἀντίμαχος ἐν τούτοις δηλοῖ κτλ. Ἀμύτριος δὲ ὁ Σκῆψιος Ἀρτεμίν φησιν εἶναι τὴν Ἀδράστειαν, ἐπὶ Ἀδράστου τινὸς ἰδρυμένην. Perturbationis partem animadvertit recens editor, nec tamen ab indiciis Epitomes ut poterat plane profecit. Antimachus quidem eum tradat Adrasteam antiquitus ad fluvium Aesepum consecratam, apparet eius testimonium ab iis sacris, quae Adrasto regi Argivorum tribuebantur, alienissimum esse. Verum igitur membrorum ordinem servat Epitome, locum Antimachi reponens post Demetrii narrationem, Ἀμύτριος δὲ — ἰδρυμένην, deinde praegressa huius ope sic complenda sunt, λαβεῖν δὲ τοῦνομα παρὰ Ἀδράστου βασιλέως τοῦ Ταλαῦ. Simplicior eiusdem usus fit in v. Ἀλμοῦσιοι, ubi scholasticam accessionem καὶ οἱ δημόται Ἀλμοῦσιοι nescit Epitome. Similiter commissum in v. Ἀλωπεκῆ: δῆμος τῆς Ἀντιοχίδος. ὁ δὲ δημότης Ἀλωπεκεὺς καὶ Ἀλωπεκῆθεν. At quanto tersior illius est oratio: Ἀλωπεκῆθεν. δημός ἐστιν ἡ Ἀλωπεκὴ τῆς Ἀντιοχίδος. καὶ ὁ δημότης Ἀλωπεκεὺς. Cf. v. Ἐρχιάθεν. Continuo sub v. Ἀμαζόνειον membra confusa, quae partim etiam v. Ἐάν

*) Unam fortasse gl. Μάστειρα non iam convellere licet. Sed quis rudissimam dicendi formam excuset in v. Σηραλοιφεῖν: — καὶ Νικάνδρος . . . προστιθεῖς ὅτι μήποτε καὶ τὸ ὑπὸ τῶν ἀλειπτῶν λεγόμενον ξηροτριβεῖσθαι οὕτως ἔλέγετο? Bene tamen factum quod optimus Suidae liber istam appendicem praetermisit; nec dubitamus quin Sophoclis fragmentum e Peleo debeatur lexico rhetorico. Simili euidam fonti videntur ascribendae esse copiae v. Ὀρον, item v. Παλιναιρίτος, quam totam idem Suidae liber ignorat, et v. Περίστασις, cuius explicationes admodum putidae sunt. Aperte vero manum interpolantem, hoc est, sedulitatem hominis non indocti, prodit clausula gl. Πολύστρατος: μήποτε μὲν τοι ἐναυθὰ δὲ γράφειν Πολύτροπον ἀντὶ τοῦ Πολυστράτου. παρὰ μηδενὶ γὰρ φησιν ὁ Δίδυμος εὐρηκέναι τὸν Πολύστρατον κτλ. τὸν Πολύτροπον μὲν οὖν ἐν τῇ ε' τῶν Ἑλληνικῶν Ξενοφώντος εἶρον, ἀλλ' οὐτὲ τὸ ξενικὸν τοῦτο ἔφησεν (sic) ὁ Ξενοφὼν τρέφεισθαι ὑπ' Ἀθηναίων οὐτὲ αὐτὸς Ἀθηναῖος ἦν ὁ Πολύτροπος. Haec si quis uno tenore potuit consociare, stolidus fuit aut contempsit lectores suos. Tandem ut his finem imponamus, quae sub v. Ναῖς extant, omnia nescio cuius importunitas ex Athenaeo descripsit. Adh. p. XIII. XIV.

τις iuvat, non dubium quin sic reconcinanda sint: Ἰσαῖος ἐν τῷ πρὸς Διοκλέα. ἐστὶ δὲ ἱερὸν ὃ Ἀμαζόνες ἰδρύσαντο. διείλεται δὲ περὶ τῆς Ἀμαζόνων ἀφιερώσεως Ἀθήνησιν Ἀρμόνιος — Θυσίων. Haec igitur exempla quamvis in transcurso collecta, quae cumulare nihil attinet, omnino demonstrant non modo quem usum etiamnum Epitome criticis afferre possit, sed orationem totius libri vehementer turbatam multum ab integritate descivisse. Ceterum id consilium secutus est Epitomae scriptor, ut enarrationem quidem lexicographi sui fere servaret illibatam, nimiam autem eruditionem in afferendis auctoribus positam extenuaret et ad paucitatem quammaximam redigeret, sublati potissimum titulis librorum et testimoniis amplioribus. Nova sane breviandi ratio, dissimilis illa notis ex hoc genere laboribus, sive grandia lexica spectamus, quorum vices nunc instar Hesychii strigosa corpusecula subierunt, sive Stephanum Byzantium comparamus superstitem cum reliquiis operis germani. Accidit tamen ut interdum epitomator in ipsam enarrationem et disciplinam antiquitatum durius consuleret, nonnunquam etiam vix argumenta glossarum adumbraret: ut in vv. Ἀλκιβιάδης et Ἀλκίμαχος.

Iam postquam huc deduximus quaestionem, animo complectamur quid e tot observationibus confici possit. Apparuit Harpocratonis duplicem extare recensionem ac duobus codicum ordinibus fultam, quorum alteri lexicon tradant vitiosissime scriptum, oratione corrupta miserisque modis interpolata, sed doctrina distinctum ut videtur satis plena quaeque conditore suo digna habeatur, alteri vero puriorem quidem ostendant orationem ac fidelius custoditam, copiis tamen et argumentis doctrinae nimium accisis et imminutis. Quibus igitur fati illius laborem iactatum fuisse suspicabimur quibusque finibus olim astrictum, eum recens ex auctoris officina prodisset? Res utique non testimoniis et ambiguae fidei tabulis agitur, sed nobismet ipsis confisi nostris oculis librum, qualis hodie praesto est, contemplerur. Ac primum obtutus ipse monstrat eum ad litterarum ordinem esse dispositum, non ut prorsus ad elementorum rigorem exigatur, sed ut plerumque series binarum priorum litterarum vel syllabarum spectetur. Postquam enim litterati homines nunc variam antiquitatum materiem nunc formulas et apparatus dicendi lexicis comprehendere coeperant iidemque doctrinam ex utroque genere temperatam in iis digresserant, inde a saeculo secundo res sic gerebatur, ut aut paucarum ab initio litterarum successiones paulo liberiores aut constans binarum vel plurium syllabarum series, quemadmodum nostra solent dictionaria, servaretur: quo fit ut siqua glossa suum ordinem migret, tanquam desertor gregis (vide Comenit. de Suida cap. II. init.) ab criticis notetur. Ergo qui silvam tantum variae lectionis et inconditae ex historiis et grammaticorum opibus ad eruditionis incrementum diffunderent, ut Atticistae et polyhistores (inter quos Helladius, Photio teste, οὐδὲ κατὰ πάσας τὰς συλλαβὰς τὴν τοῦ στοιχείου τάξιν γινάσκει, ἀλλὰ

κατὰ μόνην τὴν ἀρχοῦσαν), liberalius hanc legem tuerentur quam qui studiis populi regendis instrumentum promptum et omnes in partes expositum molirentur: his enim curae fuit ut quaelibet vox sine temporis dispendio quaerentibus extaret. Mediam quodammodo viam tenere Lexica Rhetorica, praeiunctis Aelio Dionysio et Pausania; litterarum autem ordinem qualemcumque custoditum fuisse non modo Photius Bibl. Cod. 146. sqq. testatur, sed Eustathius etiam passim (v. Meier. de L. Rhet. p. 31.) afferens ῥητορικὰ λεξικά τὰ κατὰ στοιχεῖον et στοιχειακὴν τάξιν λέξεων quaeque similiter sonant.

Harpocratonis igitur opusculum si minus ad amussim litterarum, quam ei normam violenter obtrudebat Blancardus, certe tam diligenter plerasque glossas habet dispositas, ut lectorum commodis nulla fere cum molestia prospiciatur. Quod si tamen non paucae feruntur huic legi repugnantes, maior pars ab industria magistrorum vel possessorum lexicī videtur repeti posse, qui varias copias ex aliorum lexicis haustas in marginibus annotassent. Augēt vero suspicionem etiam illud, quod et brevissimae sunt et ut plurimum testimoniis destitutae, quibus suas glossas Harpocratio munire solet, et interdum alieniores ab huius instituto. Velut Ἰδρις, ἀνεπιστήμων, quae glossa parum convenit Oratoribus; dein quam rectius Epitome subiecit Ἀεισιτώ, infra v. Ἀεισθαζάνης, quam quae praecedit gl. Ἀργαῖος non spernenda, deest eidem Epitomae. Paulo post Ἀριστέως, ὄνομα καὶ τοῦτο κίριον. Ἀρίστυλλα. Ἀριστογείτονος ἢ ἀδελφή, ante gl. Ἀριστίων locata, sic contracta sunt, ut manum epitomatoris redoleant. Porro gl. Ἀν̄ satis exilis sedem invasit minime ferendam, eamque nescit unus liber, qui glossas bene multas fraudis suspectas expunxit. Falsam Ἐνδεκάζοντας (debuit Σενδεκάζοντας) num lexicographus suo marte procuderit in medio relinimus. Similiter, ne longius abeamus, gl. Πολύγνωτος et Πολύστρατος negligentius quam cautius interpositas videmus. Sed in his quae ad editoris officium pertinent non vacat immorari.

Superest ut interiorē operis compagem intueamur. Lexicon decem Oratorum sive τῶν παρὰ δέκα ῥήτορσι λέξεων, quam inscriptionem ab Iuliano factam tradit Photius, cum usibus eorum fuerit destinatum, qui quavis in Oratoribus Atticis oblata quaestione breviter res et verba non communia doceri vellent, grammaticus et formulas vocesque proprias vel raro significati notabiles et antiquitates Graecorum, potissimum vero quaestiones iuris Attici sumpsit digerendas, idemque nomina personarum et locorum illustrium diligenter inseruit, quorum passim mentio fit in orationibus. Tantam autem silvam disciplinae forensis cum interpretes Oratorum, quorum principatus ad Didymum (vide huius reliquias ab M. Schmidtio collectas p. 310. sqq.) deferendus videtur, per eruditos commentarios diffuderant, tum auctores plurimi Lexicorum Rhetoricorum quique historias gentium et hominum clarorum, pagorum,

sacrorum et rem Atheniensium iudiciariam explicaverant, prae ceteris Atthidum scriptores, eo cum apparatu erant persecuti, ut delectus modicus scienter institutus plerisque sufficere deberet. Hunc igitur Harpocratio tanquam promptuarium parabilis doctrinae confecit, adiunctis etiam selectis testimoniis tam classicorum fontium quam universae Graecorum philologiae, quibus enarrationes suas firmare solet aliunde decerpitis: nusquam enim aut rarius ille lectionem expressit proprio sudore partam. Sed ut dudum consuetum erat inter subsidia historicarum memoriam etiam poetarum comicorum refert; aliorum tamen e carminibus, imprimis tragicorum vix quicquam enotavit, nisi quod priores firmandis veterum temporum aut moribus aut formulis apposuissent, nedum ut poetas reconditiores post Alexandri Magni aetatem delibaret.*) Hinc, ut uno luculentoque itanum documento, fluxerunt numerosae criticorum sententiae et indicia de suspectis vel subditis orationibus, εἰ γνήσιος quaeque his similia sunt, partim e Callimachi tabulis tracta; paulo rarius etiam codices significantur et errores ex iis disseminati. Nominatim vero lectiones afferuntur ἐν τοῖς Ἀττικισμοῖς repertae, cum grammaticus de locis Demosthenis et Aeschini disceptat. Quorum emendator si fuit Atticus ab Luciano memoratus, quem Hemsterhusius verisimiliter agnovit, non dubitandum fuerit quin Harpocratio post saeculum secundum vixerit. Idem vetustos sequitur pagorum Atticorum indices; sed cum superiores glossae breviter nec sine negligentia, non adhibitis testibus, conficiantur, inde ab v. Ἐρμος demum constanter accedit auctoritas Diodori Periegetae περὶ τῶν δήμων. Cuius rei quoniam non licet causam fortuitam excogitare, hoc quoque monemur opus diversis esse manibus tractatum; nam ab eodem homine, qui paratis uteretur subsidiis, tam inaequalem rationem admitti potuisse quis sibi persuaserit? Sed longe gravior fuit et fructuosior illa lexicī pars, qua continentur δεικῶν ὀνόματα tot commentariolis mandata sive definitiones iuris Attici. Huius vero generis amplissimam collectionem servavit Harpocratio, quae verbis quidem raro recedit ab oratione Lexicorum Rhetoricorum adeoque sordidam vel pinguius formatam

*) Nam quem unum appellat auctorem *Euphorionem* aut Lexicis Rhetoricis acceptum rettulit aut commentariis Didymi: vide v. Ὁ κἀτωθεν νόμος. Iudidem sumpsit etiam pauca fragmenta tragicorum poetarum, nominatim Sophoclis et Euripidis, quibus singularis quaedam observatio niteretur. Quamquam ne his quidem omnis abest fraus et interpolatio. Velut gl. *Δερμηστής* allatis Didymi et Aristarchi contrariis sententiis haec tanquam meliora subiiciuntur: μήποτε δὲ μᾶλλον ἂν εἴη ὅστις τὰ δέγματα ἐσθίει δερμηστής, ὥς ὑποσημαίνεται καὶ ἐν τῇ Μιλησιακῶν Ἀριστείδου. Minimus interim novissima quantumvis suspecta; formulam autem μήποτε cum supra p. X. alienae manus indicem deprehenderimus, praestat saltem cum Epitome, εἴη δ' ἂν μᾶλλον ὁ τὰ δέγματα ἐσθίων ἐνυώτερον οὕτω καλούμενος. At explicatio, quam commendat grammaticus, nihil a Didymi differt; quod autem in hac Fe gravissimum est, non δερμηστής posuerat Sophocles sed σακοδερμηστής vel simile quid, de quo Hesychius et Photius non sinunt addubitare. Sophoclis igitur fragm. 397. et 562*. in unum debent conflare. Harpocratonis vero glossam brevitando putamus male decurtatam fuisse.

elocutionem (vide p. VIII.) affert, praestat tamen copia testium lectissimorum, qui reliquis plerumque desunt. Diligentiae doctae prae ceteris exempla sunt glossae uberes *Λαμαρτηρία*, *Ἐξούλης*, *Κακώσεως*. Neque vero glossas nomicas prorsus accurate litterarum in ordinem convenire monstrant vel gl. *Λαχειροτορία* cum seqq.

Haecenus orbem studiorum et eruditionis emensi sumus, cuius finibus hic grammaticus sese continuit. Dixeris cursum et delectum vitae civilis, qualis in eximii Oratorum Atticorum eluxerat monumentis, summis ab eo lineis satis intelligenter describi. Huic legi consentaneum videtur ut omnia tanquam emblemata reiiciantur, quibus antiquitates privatae vel appellationes locorum illustrentur. Primum igitur memoria *Strabonis* est alienissima, quam qui duobus in locis certa ratiocinatione confodit Meinekius, iure habuit assentientem Dindorfium p. 191. Vellemus similem ab eodem interpolationem in copiis *Athenaei* esse agnitam, de quibus supra monitum p. V. Irreperunt enim quaedam annotationes, ubi nomina meretricum et vasculorum non adhibitis, quod tolerabile diceret, Athenaei adversariis traduntur, sed cum ipsis hominis verbis et auctore celato. Satis est e quattuor glossis (si forte discedimus ab *Ἐγγυθίχη*) *Ανχιονεγείς*, *Ναίς*, *Νάννιον* et *Νεμέας*, primam perstrinxisse; quamquam etiam illud, quod in v. *Νάννιον* erudita scilicet observatio, *ὅτι θάλλῃ χείρουσιν αἱ αἰγες*, auctoritate fragmenti Sophoclei munitur, debebat inusitatum videri. Sed longius fidem excedit in v. *Ανχιονεγείς* operosior excursus de fabrica vocabulorum illorum, ubi non modo quod p. X. exagitur *μήποτε οὖν γραπτέον* offendit, admissum illud etiam in v. *Ναίς*, sed multo magis praegressa *ἀγνοεῖν δὲ ἔοικεν ὁ γραμματικός*. Nam *Ἰδνμος ὁ γραμματικός* quae hodie leguntur in vv. *Ἀπὸ μισθωμάτων* et *Γαμηλία* cum ab ipso Harpocrate proficisci nequiverint, tum ipsa brevis et imperfecta glossarum condicio vincit epitomatores iis manu admovisse.

Tandem nomen solvendum est quod supra recepinus, negantes Harpocrateionem superesse germanum et saeculis Caesarum satis dignum. Neque iam premimus quod in oculos incidit, admodum inaequalem esse lexi habitum, in quo breves ieiunaeque glossae, detracto paene nobiliore apparatu, cum plenae et instructae confundantur; nec raro formulas vel antiquitates mirantur levi manu tractari, quas lexicographi nostri scholiastaeque iisdem fontibus usi longe liberalius et maiore cum scientia rerum exponant. Verbi causa gl. *Χρυσοχοεῖν* uberem illam et selectam contende si libet cum superiore *Βάταλος*, cui quid ad integritatem doctrinae desit ostendere poterit Meinekius Com. I. p. 333. sqq. Porro quodammodo suspicamus olim ditissimam gl. *Ἰων* extitisse, quae tot rebus exquisitis ultra necessitatem circumfluit, ut de libro etiam controverso poetae tradat diligenter eiusque primordium describat. Haec igitur et similia

nunc haud curamus; nec libet illud percontari, qua veri specie Didymus a grammatico grammaticus appellari potuerit aut Dionysius Halicarnassensis semel (in v. *Ἐπεπίσκημμα*) ab eo laudari, quem coniectent paucis annis post scripsisse. Nos potius quid in scriptorem istum cadat, quid cum eius consilio discrepet, ad normam in optimis glossis impressam exigemus. Itaque Harpocratio lemmati suo nomen oratoris et locum, ad quem glossa referatur, subiicere solet; sequitur autem enarratio nunc brevis nunc varias in partes excurrens, siquando magna dissensio fit virorum excellentium in verborum vel antiquitatum disciplina; contra nihil ad illum pertinent quae neque coniuncta sint cum oratoris litteris nec firmentur testimoniis et auctoritatibus doctis. His concessis simulac glossas dissimillimas circumspicere coepimus, primum occurrit incredibilis vis annotationum, quae fere tribus verbis absolvuntur et nomina personarum pagorum institutorum summam recensent, nullis additis testibus aut explicationibus, sic ut magistelli Byzantini credamus epitomen tenere. Saltem alicuius coloris haecce sunt: *Αἰθίοπιον* (immo *Αἰθόπιον*). *ὄνομα χωρίου ἐν Εὐβοίᾳ*. *Ἀλκμαιωνίδαί*. *γένος ἐπιφανές Ἀθήνησιν ἀπὸ Ἀλκμαίωνος*. *Ἀλωπεκόννησος*. *πόλις τῶν ἐν Λερρονήσῳ*. *Ἀμβρακία*. *πόλις ἐν τῇ Ἀμβρακικῇ κόλπῳ, ἄποιος Κορινθίων*. *Ἀμόργης*. *Πισσοδῖνον νόθος τίς ἐστιν*. *Ἀξίοςχος*. *Ἀισχίνη τῷ Σωκρατικῷ διάλογος ἐγράφη Ἀξίοςχος καλούμενος*. *Λειραδιώτης*. *δῆμος τῆς Λεοντίδος Λειράδες*, ἀφ' οὗ ὁ δημότης *Λειραδιώτης*; ac similiter in hoc genere usque ad v. *Ἐρμος*, ut supra monitum. Contra prorsus scholastici laboris sunt talia: *Ἀλαιεύς*. *ὄνομα δῆμον*. *Ἀμβλωθρίδιον*. *τὸ ἀμβλωθὲν βρέφος*. *Ἀρθμιοῦς*. *ὄνομα κύριον, δοῦλός τινος βασιλέως*. *Ἀριστεύς*. *ὄνομα καὶ τοῦτο κύριον*. *Ἀγροδίσιον*. *ιδίως τὸ τῆς Ἀγροδίτης ἔδος*. (Quae in epitomen fuisse contracta docet vel gl. *Ἀρτεμίσιον*.) *Γλυκέρᾱ*. *ἑταῖρα τις*. *Λερυλίδας*. *Λακεδαιμονίων βασιλεύς*. *Πασίων*. *ὄνομα κύριον, τραπέζιτης*. *Παταικίων*. *ὄνομα κύριον, κλέπτης καὶ τοιχωρύχος*; et alia non doctiora, quae describere piget. Deinde glossae supersunt, quas dubites utrum imperfectas appellare deceat an mutilatas et optima sui parte spoliatas. Velut ubi nullius nisi Didymi sententia profertur, *Ἰδνμός* *ῥησιν ὁ γραμματικός* in v. *Ἀπὸ μισθωμάτων*, καὶ *Ἰδνμος ὁ γραμματικός* (ubi duplex eius opinio profertur) in v. *Γαμηλία*, porro duobus locis Demosthenicis integrae Didymi voces ascribuntur in vv. *Ἐωλοκρασία* et *Ὁ κάτωθεν νόμος*, quarum priorem alii lexicographi commentis exornant uberrimis, Harpocratio nudam reliquit. Certe dubitationem suam de Didymi narratione pronunciat in gl. *Θέτις*, quam apparet interpolatam esse (cf. v. *Ἐξένιζε*) et *Πνθαία*. Quid quod ipsum opusculum exorditur a mutila gl. *Ἀβαρις*, in qua nullus oratoris locus designetur. Haecenus iure videri potest Dindorfius esse suspicatus (p. XXII.) *lexicon hoc ab Harpocrate aliquanto quam nunc est amplius relictum ab aliis paulatim in formam redactum esse compendiosiorē, operis autem omni ex parte integri exemplaria mature perisse*. Verum ille non tantum epitomen subiit, sed interpolationes etiam et adventicias glossas perpressus est. Et interpolatam quidem orationem esse librorum vulgariū, sed

ex Epitome frequenter eam meliorem effici, cum supra demonstratum sit exemplis gl. *Ἀγασίλαος*; aliarumque, nolimus his immorari. Sed praestat accessiones perstringere, quae lexicographum novis glossis iisque parum accommodatis ditarent, partim pristinam eius possessionem additamentis reddunt auctiorem. Harum autem numerum haud spernendum praebuerunt Lexica Rhetorica, per magistros sive librarios passim adhibita: cuius licentiae specimina quaedam innotuerunt ex codice Marciano, paulo plenius apud Dindorfium p. VI—IX. exsignata. Nonnulla tamen huius ordinis ipsa codicum fluctuatio in suspitionem adducit, ut in v. *Ἀγνιᾶς* membrum illud, *ὥς σαφές ποιοῦσιν Ἀριστοφάνης τε ἐν Σφηξί καὶ Εὐπολίς*: quamquam in continuis resident etiam plura, quorum fidem non maioris aestimemus. Porro gl. *Πολύστρατος* occupari malis auctariis ostendimus; accedat clausula gl. *Ἐλευθέριος Ζεύς*, quam homo semidoctus allevit: *οἱ δὲ ἐπιγράφεται μὲν σωτήρ, ὀνομάζεται δὲ καὶ Ἐλευθέριος, ὅγλοι καὶ Μέλανδρος*. Fuit etiam lector nimium sedulus, qui de v. *Ἀντοκλείδης* petitam fabricaret alteram glossam *Θέρσανδρος*. Longe tamen notabilior est numerus glossarum, quas ab Harpocrationis rationibus alienas esse, hoc est, nec locis Oratorum explicandis neque vitae forensis antiquitatibus inservire lector attentus facile perspiciat. Non dicimus glossulam *Ἀθιμονοῖσος ἀποροῖσος*, nuper temere receptam, aut *Ἀιδρίς ἀνεπιστήμων*, aut fusius explanatam *Ἀτεχνῶς περισπωμένως μὲν ἀντί τοῦ σαφῶς ἢ βεβαίως —, παροξυντόνως δὲ ἀντί τοῦ ἀμελῶς καὶ ἄνευ τέχνης* (haec enim nemo non intelligit glossariis vulgaribus fuisse relinquenda), sed vv. *Ἀετός*, *Ἀκαδήμεια* (ubi de tribus Athenarum gymnasiis agitur), *Ἀλίπεδον* (quae Etymologicis dignior esse videtur), *Ἀναξαγόρας*, *Βλιμάζειν*, *Βωμολοχεύεσθαι*, quae comico lexico debetur, *Εἰς ἐν ἡλθεν* et consimiles, quibus doctiores habent recessus *Γεωφάνιον*, *Λάτος*, *Λενσοποιός* et omnium eruditissima *Τριτοπάτορες*, quam ipsam mireris nuper admitti potuisse. Sequitur ut in eo scriptore, qui tot modis et interpolatus fuerit et immutatus pristinam coloraverit orationem, formulas ad veterem et recentem dicendi consuetudinem spectantes, quibus in comparandis novissimum versatur Prooemium, hisce Harpocrationis lectoribus ac studiosis Byzantinis remittamus, nec patiamur inde lexicographi quisquis fuit aetatem elici. Nostram autem disputationem arbitramur et speramus viris doctis, qui lexicon utilissimum nulla fere cum suspicione solent versare, hactenus esse profuturam, ut posthac germanas partes ab adulterinis et secundariis sollicite distinguant.

Iam cum libellus ad perorationem spectet, nefas videtur ei finem imponere, nisi paulisper ad virum eruditum, ab cuius nomine hanc praefationem exorsi sumus, gradum rettulerimus et memoriam *M. H. E. Meieri* tanquam viatores ad sepulcri viam subsistere iussi summatim recolamus. Neque vero libet alienissimo loco de meritis eius in litteras antiquas studisque doctrinae cum honoris testificatione pronuciare. Longum est et operosum persequi, qui-

bus ab initiis ille profectus ductu et auctoritate Böckhii, cum familiares et eiusdem cursus socios haberet C. O. Müllerum et Ed. Gerhardum, historicam philologiae partem sibi propriam delegerit et in disciplina Graecarum antiquitatum quasi stationem vitae tam constanter eoque cum successu collocaverit, ut inter accuratissimos huius doctrinae explicatores iure numeretur. Verum illius eruditionem industriam subtilitatem diversissimis in quaestionibus spectatam nemo nescit, qui interiorum in notitiam iuris Attici publicique Graecorum sese insinuaverit; vos autem Commilitones non ignoratis aut aliorum sermonibus cognovistis paene viginti annis ab eo inventum academicam his prooemiis esse compellatam, quibus memoriam studiorum communium renovamus et liberalem tanquam ingeniorum palaestram sic exercemus, ut incrementa scientiae non magis colantur quam ratio methodi multiplex et cautiones infinitae. Sumpsit igitur argumenta variis ex locis antiquitatis, nunc Aristophanem et Theophrasti Characteres curis criticis retractans, nunc in Oratoribus Atticis, in lexicographis, in inscriptionibus Graecis occupatus. Talibus in studiis dum consenescit et valetudine fessus assiduo labore vires morbi fallit, nuncius propemodum improvisus affertur Meierum vita decessisse; vixdum tamen reputantes quantam litterae iacturam fecissent, qui damnis reparandis sufficere possent, novis rumoribus percellimur, et obstupimus ad continuas philologiae clades. Adeo fidem et captum excedere videbatur, quod iamiam credidimus, viros in aetatis flore constitutos *C. Fr. Hermannum* et *Schneidewinum*, qui disciplinam antiquitatis et Georgiam Augustam suam praeclaris meritis et institutionibus ornassent, fato repentino extinctos fuisse; multumque valuit ut funesti casus minus aequo animo perferrentur, quod constabat paucos superesse paucioresque fore, qui tot et tanta munera philologiae sustinere possent et in academiis salubriter tueri. Non levissimum tamen solatium afferunt viri primarii, quos naufragiis temporum superstites rebus nostris interesse laetamur et vegeto corporis animique vigore litteras antiquitatis promovere. Horum nulli nunc saepius nobis obversantur quam duumviri celeberrimi, quos fere quinquaginta abhinc annis e spatiis Academiae Fridericianae dimissos, potissimum Fr. Aug. Wolfii disciplina formatos, ad nos iure nostro pertinere contendimus et gloriamur; alterum autem intelligi principem philologiae Germanicae, alterum criticum eximium, cui plurima Graecorum monumenta novum habitum ac propemodum salutem debent, quis ignorat? Vos autem facite, cives humanissimi, ut exempla virorum in suis generibus praestantissimorum diligenter intueamini eorumque vestigiis per honestam laudis aemulationem insistatis. Valet.

D. m. Mart. a. 1856.

COLUMBIA UNIVERSITY LIBRARIES

1010660470

APR 24 1971

